

KENYATAAN MEDIA

12,940 PREMIS NIKMATI MANFAAT KITARECYCLE HASIL KERJASAMA SWM ENVIRONMENT DAN OSK PROPERTY

SEREMBAN, 16 NOVEMBER 2023 – SWM Environment Sdn. Bhd. (SWM Environment) dan OSK Property Holdings Berhad (OSK Property) berkolaborasi mempertingkatkan aktiviti kitar semula melalui projek penyediaan fasiliti Pusat Pandu Lalu KITAREcycle di kawasan pembangunan perumahan Iringan Bayu, Seremban. Sejumlah 12,940 premis di Iringan Bayu akan menerima manfaat melalui program KITAREcycle dan menjadikan kawasan perumahan tersebut sebagai salah sebuah kawasan perumahan hijau dan lestari.

“Majlis pecah tanah ini membuktikan komitmen yang diberikan oleh OSK Property menyokong usaha yang dilaksanakan oleh SWM Environment dalam meningkatkan penglibatan orang ramai melalui penyediaan fasiliti yang berhampiran dengan sesebuah kawasan kediaman terutamanya di Iringan Bayu, Seremban,” kata Pengurus Besar Korporat SWM Environment, Mohd Norlisam Bin Mohd Nordin.

Beliau juga memaklumkan bahawa melalui penyediaan fasiliti Pusat Pandu Lalu KITAREcycle, penduduk dapat menikmati ganjaran tunai melalui pengumpulan mata ganjaran kitar semula KITAREcycle (RP) yang akan dikreditkan terus ke dalam akaun bank ahli KITAREcycle melalui sistem penebusan RP di aplikasi KITAREcycle. Melalui insentif ini, masyarakat akan lebih cenderung untuk melaksanakan konsep 3R (reuse, reduce, recycle) dirumah. Mengamalkan konsep 3R di rumah bukan sahaja membantu mengurangkan beban buangan dan impak alam sekitar, tetapi juga memberikan sumbangan positif kepada kelestarian alam. Dengan kesedaran dan pelaksanaan 3R, masyarakat dapat memainkan peranan penting dalam memelihara keindahan bumi untuk generasi akan datang.

“Dengan penyelarasan nilai-nilai kelestarian dalam setiap langkah pembangunan, OSK Property sentiasa berusaha untuk mencipta ruang hidup yang tidak hanya selesa dan moden, tetapi juga beransur-ansur menjadi model untuk gaya hidup yang bertanggungjawab terhadap alam. Kami yakin bahawa melalui kemudahan KITAREcycle, penduduk tidak hanya dapat menikmati pelbagai kelebihan, tetapi juga dapat berperanan aktif dalam usaha melindungi dan memelihara kelestarian bumi kita. Inisiatif ini sejajar dengan visi jangka panjang OSK Property untuk membina masyarakat yang berkualiti, mesra alam, dan berdaya maju,” kata Yang Berusaha Tuan Ong Ghee Bin, Ketua Pegawai Eksekutif OSK Property Holdings Berhad.

Sebanyak 2,091 premis yang telah selesai dibina, 878 sedang dalam pembinaan, dan 9,971 yang dirancang untuk projek OSK Property, akan menerima perkhidmatan dari SWM Environment. Premis-premis tersebut dijangka mendapat manfaat daripada kemudahan Pusat Pandu Lalu



KITAREcycle yang akan ditempatkan berhampiran dengan Galeri Jualan OSK Property. Penduduk di kawasan ini boleh meletakkan barangan kitar semula yang telah ditampal atau ditulis dengan nombor kod QR di Pusat Pandu Lalu KITAREcycle. Pembinaan penuh pusat ini dijangka siap menjelang suku pertama tahun 2024.

Sehingga Oktober 2023, sejumlah 810,818 kilogram barangan kitar semula telah berjaya dikumpulkan menerusi program KITAREcycle sejak tahun 2018 dengan jumlah ahli KITAREcycle seramai 8,858 orang. Antara barangan kitar semula yang paling tinggi direkodkan ialah 195,835 kilogram kertas, 66,401 kilogram plastik dan 17,934 kilogram logam.

Bagi pertanyaan lanjut berkenaan program KITAREcycle, orang ramai boleh menghubungi talian 06-601 4276 atau melayari laman web: www.kitarecycle.com.

-TAMAT-

MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:



SWM ENVIRONMENT

Puan Nurul Liza Binti Mohd Najib

Pengurus

Jabatan Komunikasi Korporat & Hal Ehwal Kerajaan Negeri Sembilan & Melaka

SWM Environment Sdn. Bhd. (Pejabat Wilayah Negeri Sembilan)

Tel : 06 – 6014280/ 012 – 684 7168

E-mel : nurulliza.najib@swmsb.com